

傷中親六


醫統正脈 全

三	二	九	漢
函	三	七	書
九	二	四	類
架	冊	號	


		一	漢
		二	書
		九	門
三	一	二	七
二	〇	二	四
冊	架	函	號
		類	

內閣文庫	
番號	漢 12974
冊數	32 (21)
函號	301 58

六十一



儒門事親卷之十四



戴人張子和著

新安吳勉學校

扁鵲華陀察聲色定死生訣要

病人五臟已奪神明不守聲嘶者死

病人循衣縫謔語者不可治

病人陰陽俱絕掣衣撮空妄言者死

病人妄語錯亂及不能言者不治熱病者可治

病人陰陽俱絕失音不能言者三日半死

病人兩目皆有黃色起者其病方愈



病人面黃目青者至期而死重出在下文

病人面黃目赤不死赤如衄血者死

病人面黃目白者不死白如枯骨者死

病人面黃目黑者不死黑如苔死

病人面黑目青者不死

病人面目俱黃者不死

病人面青目白者死

病人面黑目白者不死

病人面赤目青者六日死

病人面黃目青者九日必死是謂亂經飲酒當風邪

入胃經膽氣妄泄目則爲青雖天救亦不可生

病人面赤目白者十日死憂恚思心氣內索面色反好急棺槨

病人面白目黑者死此謂榮華已去血脉空索

病人面黑目白八日死腎氣內傷病因留損

病人面青目白五日死

病人着牀心痛短氣脾氣內竭後百日復愈能起傍徨因坐於地其上倚牀能治此者也

病人耳目鼻口有黑色起于入口者必死

病人目無精光若土色不受飲食者四日死

病人目精光及牙齒黑色者不治

病人耳目及顴頰赤者死在五日中午

病人黑色出于額上髮際直鼻脊兩顴上者亦死在五日中午矣

病人黑色出天中下至上顴上者死

病人及健人黑色若白色起入目及鼻口者死在三日中午矣

病人及健人面忽如馬肝色望之如青近之如黑者必死矣

病人面黑直視惡風者死

病人面黑唇青者死

病人面青唇黑者死

病人面黑兩脇下滿不能自轉反者死

病人目不回直視者一日死

病人頭目久痛卒視無所見者死

病人陰結陽絕目睛脫恍惚者死

病人陰陽竭絕目眶陷者死

病人眉系傾者七日死

病人口如魚口不能復閉而氣出多不反者死

病人卧遺尿不覺者死

病人尸臭者不可治

肝病皮黑肺之日庚辛死

心病目黑腎之日壬癸死

脾病唇青肝之日甲乙死

肺病頰赤目腫心之日丙丁死

腎病面腫唇黃脾之日戊己死

青欲如蒼壁之澤不欲如藍

赤欲如帛暴朱不欲如赭

白欲如鵝羽不欲如枯骨

黑欲如黑漆不欲如炭

黃欲如羅裹雄黃不欲如土

目赤色者病在心白在肺黑在腎黃在脾青在肝黃
色不可名者病在胸中

診目病赤脉從上下者太陽病也從下上者陽明病
也從外入內者少陽病也

診寒熱瘰癧目中有赤脉從上下至瞳子見一脉一

歲死見一脉半一歲半死見二脉二歲死見二脉半

二歲半死見三脉三歲死

診牙齒痛按其陽明之脉來太過者獨熱在右右熱
熱在左左熱熱在上上熱熱在下下熱

診血者脉多赤多熱多青多痛多黑多黃多痺多赤
多黑多青皆見者寒熱身痛面色微齒垢黃爪甲上
黃

安卧少黃赤脉小而瀉者不嗜食
百病死生訣第七

診法

盛脉浮大者生沉小者死傷寒已得汗脉

沉小者生浮大者死

温病三四日已下不得汗脉大疾者生脉細小難得
者死不治

温病穰穰大熱其脉細小者死

千金穰穰作特行

温病下痢腹中痛甚者死不治

温病汗不出出不至足者死厥逆汗出脉堅彊急者
生虛緩者死

温病二三日身體熱腹滿頭痛食如故脉直而疾者

八日死四五日頭痛腹痛而吐脉來細強十二日死

八九日頭不疼身不痛目不變色不變而反利脉來

喋喋按之不彈手時時心下堅十七日死

熱病七八日脉不軟一作喘不散一作數者當有瘡

瘡後三日温汗不出者死

熱病七八日其脉微細小便不利加暴口燥脉代舌

焦乾黑者死

熱病未得汗脉盛躁疾得汗者生不得汗者難瘥

熱病已得汗脉靜安者生脉躁者難治

熱病已得汗大熱不去者亦死

熱病已得汗熱未去脉微躁者慎不得刺治

熱病發熱熱甚者其脉陰陽皆竭慎勿刺不汗出必

下利

診人被風不仁痿廢其脉虛者生堅急疾者死

診癰病虛則可治實則死

診癰病脉實堅者生脉沉細者死

又癰疾脉得大滑者久而自已其脉沉小急實不可

療小堅急者亦不可療也

診頭痛目痛久視無所見者死

診人心腹積聚其脉堅強急者生虛弱者死又實強

者生沉者死其脉大腹大脹四肢逆冷其人脉形長

者死腹脹滿便血脉大時絕極下血小疾者死

腸澼便血身熱則死寒則生

腸澼下白沫脉沉則生浮則死

腸澼下膿血脉懸絕則死滑大則生

腸澼之屬身熱脉不懸絕滑大者生懸瀯者死以臟

期之

腸澀下膿血脉沉小留連者生數疾且大有熱者死
 腸澀筋攣其脉小細安靜者生浮大緊者死
 洞泄食不化不得留下膿血脉微小連者緊急者死
 洩注脉緩時小結者生浮大數者死
 蚕蝕陰注其脉虛小者生緊急者死
 欬嗽脉沉緊者死浮直者浮軟者生小沉伏匿者死
 欬嗽羸瘦脉形堅大者死
 欬脫形發熱脉小堅急者死肌瘦下脫形熱不去者
 必死
 欬而嘔腹脹且洩其脉弦急欲絕者死

吐血衄血脉滑小弱者生實大者死
 汗若衄其脉小滑者生大躁者死
 吐血脉緊強者死滑者生
 吐血而欬上氣其脉數有熱不得卧者死
 上氣脉數者死謂損形故也
 上氣喘息低昂其脉滑手足温者生脉澁四肢寒者
 必死
 上氣面浮腫肩息其脉大不可治加利必死
 上氣注液其脉虛寧伏匿者生堅強者死
 寒氣上攻脉實而順滑者生實而則逆而者死

太素云寒

氣在上脉滿實何如曰實而滑則生實而逆則死矣
其形滿滑何如曰舉形滿者脉急大堅又滿而不
應知是者順則生逆則死何謂順則生逆則死所謂
順者手足溫也逆者手足寒也

病癰脉實大病久可治脉弦小堅急病久不可治

消渴脉數大者生細小浮短者死

消渴脉沉小者生實堅大者死

水病脉洪大者可治微細不可治

水病脹閉其脉浮大軟者生沉細虛小者死

水病腹大如鼓脉實者生虛則死

卒中惡咯血數升脉沉數細者死浮大疾快者生

卒中惡腹大四肢滿脉大而緩者生緊大而浮者死

緊細而微亦生

瘡腰脊強急瘰癧皆不可治

寒熱瘰癧其脉代絕者死

金瘡血出太多其脉虛細者生數實大者死

金瘡出血脉沉小者生浮大者死

斫瘡出血一二升脉來大二十日死

斫刺俱有病多少血出不自止者其脉來大者七日

死涓細者生

從頭頓仆內有血腹脹滿其脉堅強者生小弱者死

人爲百藥所中傷脉溢而疾者生微細者死洪大而

遲者生千金遲作速

人病甚而脉不調者難治脉洪大者易瘥

人內外俱虛身體冷而汗出微嘔而煩擾手足厥逆
體不得安靜者死脉實滿手足寒頭熱春秋生冬夏
必死矣

老人脉微陽羸陰強者生脉大而加加者死陰弱陽
強脉至而代期月而死

尺脉濇而堅爲血實氣虛也其發痛腹滿逆滿氣上
行此爲婦人胞中絕傷有惡血久成結瘕得病以冬
時黍當赤而死

尺脉細而微者血氣俱不足細而來有力者是穀氣
不克病得節輒動衆葉生而死此病秋時得之左手
寸口脉偏動乍大乍小不齊從寸至關關至尺三部
之位其脉動各異不同其人病仲夏得之此脉桃花
落而死

右手寸口脉偏沉伏乍小乍大朝浮大而暮沉伏浮
大卽太過上出魚際沉伏卽下不止關中往來無常
時復來者榆華枯而死

右手尺部脉三十動一止有須臾還二十動止乍動
乍踈連連相因因不與息數相應其人雖食穀猶不

愈繁草生而死

右手尺部脉四十動而一止止而復來來逆如循張
弓弦絀絀然然如兩人共一索至立冬死

病機

諸風掉眩皆屬於肝甲乙木也木鬱達之
諸寒收引皆屬於腎壬癸水也水鬱泄之
諸氣臏鬱皆屬於肺庚辛金也金鬱折之
諸濕腫滿皆屬於脾戊己土也土鬱奪之
諸痛痒瘡瘍皆屬於心丙丁火也火鬱發之
諸熱瘡瘻皆屬於火

諸厥固泄皆屬下

下謂下焦肝腎氣也夫守司於下
厥固泄皆屬下也厥謂氣逆也固謂禁固也泄氣逆
上行反謂固不禁出入無度燥濕不恒皆由下焦主

諸病喘嘔皆屬於上上謂上焦心肺氣也炎熱薄燥

承熱分化肺之氣也熱鬱化上故病屬上焦

諸禁鼓慄如喪神守皆屬於火熱之內作

諸頸項強皆屬於濕太陽傷濕

諸逆衝上皆屬於火炎上之性用也

諸脹腹大皆屬於熱熱鬱於內肺脹於上

諸躁狂越皆屬於火熱盛於胃及四末也

諸暴強直皆屬於風陽內鬱而陰行於外

諸病有聲鼓之如鼓皆屬於熱

諸熱附腫疼酸驚駭皆屬於火

諸轉反戾水液渾濁皆屬於熱反戾筋轉也水液小便也

諸病水液澄清徹冷皆屬寒上下所出及吐出溺出諸嘔吐酸暴注下迫皆屬於熱

故大要曰謹守病機各司其屬有者求之無者求之盛者責之虛者責之必先五勝疎其血氣令其調達而致和平此之謂也五勝謂五行更勝也

標本運氣歌

少陽從本為相火本陰從本濕上坐厥陰從中火是家陽明從中濕是我太陽少陰標本從陰陽二氣相包裹風從火斷汗之宜燥與濕兼下之可萬病能將火濕分徹開軒岐無縫鎖

辯十二經水火分治法

膽與三焦尋火治肝和包絡都無翼脾肺常將濕處求胃與大腸同濕治惡寒表熱小膀胱溫惡熱表寒心腎熾十二經最端的四經屬火四經濕四經有熱有寒時攻裏解表細消息濕同寒火同熱寒熱到頭無

兩說六分分來半分寒寒熱中停真浪舌休治風休
治燥治得火時風燥了當解表時莫攻裏當攻裏時
莫解表表裏如或兩可攻後先內外分多少敢謝軒
岐萬世恩爭柰醯雞笑天小

治病

不讀本草焉知藥性專泥藥性決不識病假饒識病
未必得法識病得法工中之甲

六陳

藥有六味陳久爲良狼棗半橘枳實麻黃

十八反

本草名言十八反半萋貝蘇及攻烏藻戟遂芫俱戟
草諸參辛芍叛藜蘆

運氣歌

病如不是當年氣看與何年運氣同只向某年來治
法方知都在至真中

五不及

坎一丁三土五中一七癸九是笑宮勝復都來十一
位誰知臟腑與宮同

斷病人生死

靈樞經云人有兩死而無兩生陽氣前絕陰氣後竭

其人死身色必青陰氣前絕陽氣後竭其人死身色必赤故陰竭則身青而冷陽竭則身赤而溫

四因

夫病生之類其有四焉一者始因氣動而內有所成二者始因氣動而外有所成三者不因氣動而病生於內四者不因氣動而病生於外

因氣動而內成者謂積聚癥瘕瘤氣癭起結核癩癰之類是也

不因氣動而病生於內者謂流飲滯食饑飽勞損宿食霍亂悲恐喜怒想慕憂結之類

不因氣動而病生於外者謂瘴氣賊魅蟲蛇蠱毒疔食鬼擊衝薄墜墮風寒暑濕斫射刺割撻朴之類也如此四類有獨治內而愈者有兼治內而愈者有獨治外而愈者有兼治外而愈者有先治內後治外而愈者有先治外後治內而愈者有須解毒而攻擊者有須無毒而調引者凡此之類方法所施或重或輕或緩或急或收或散或潤或燥或軟或堅方士之用見解不同各擅已心好丹非素故復問之

五苦六辛

五苦六辛從來無解蓋史家闕其疑也一日麻徵君

以此質疑于張先生先生亦無所應行十五里忽然
有所悟欣然廻告于麻徵君以爲五苦者五臟爲裏
屬陰宜用苦劑謂苦涌泄爲陰六辛者六腑爲表屬
陽宜用辛劑謂辛甘發散爲陰此其義也徵君大服
其識鑒深遠鑿昔人不傳之妙故口知其要者
而終不知其要者流散無窮

儒門事親卷之十四

儒門事親卷之十五

戴人張子和著
新安吳勉學校

瘡瘍癰腫第一

治螻蛄瘡

良薑 白芨 瀝青 已上各等分

右爲細末嚼芝蔴水同熬爲膏入冷水共定用緋
絹片火熨斗作膏藥貼瘡上

又方千年石灰 茜根燒灰

右爲細末用水調雞翎塗上

水沉金絲膏 貼一切惡瘡

瀝青 白膠 已上各一兩 春秋宜用油

夏宜油臍二錢半 冬宜用油蠟四錢

右件鑊開油罇下瀝青白膠用槐枝攪勻綿子濾過入冷水中扯一千餘遍如瘡透了喫數丸作劑於瘡口填者亦妙攤紙上貼勿令火炙

乳香散 治下疳

乳香 沒藥 輕粉 黃丹 龍骨 烏魚骨

黃連 黃芩 銅碌 已上各等分 麝香少許

右為細末先以溫漿水洗過貼疔瘡上

治蛇傷方

右用蒲公英科根作泥貼于傷處用白麵膏藥貼之大効

紫金丹 治疔瘡

白礬四兩 黃丹二兩

右用銀石器內鎔礬作汁下丹使銀釵子攪之令紫色成也用文武火無令太過不及如有瘡先以週圍挑破上藥用唾津塗上數度着無令瘡乾其瘡潰動取疔出也兼瘡顏色紅赤為効如藥未成就再杵碎炒令紫色

治疗瘡

生蜜與隔年葱一處研成膏

右先將瘡週迴用竹鍼刺破然後用瘡藥於瘡上攤之用緋絹蓋覆如人行二十里覺疔出然後以熱醋湯洗之

千金托裏散 治一切發背疔瘡

連翹 二兩

黃耆 二兩

厚朴 二兩

川芎 二兩

防風 一兩

桔梗 一兩

白芷 二兩

芍藥 二兩

官桂 一兩

木香 三錢

乳香 三錢

當歸 半兩

沒藥 三錢

甘草 二兩

人參 半兩

右為細末每服三錢用酒一碗盛煎三沸和滓溫

服膏一貼之

二聖散 治諸瘡腫

黃丹 二兩

白礬 二兩

右為細末每服乾摻瘡口上後用保生錠子捏作餅子貼之

保生錠子

巴豆

四十九箇另研文武火燒熟

金脚信 二錢

雄黃 三錢

輕粉 半兩

硃砂 二錢

麝香 二錢

右件為末用黃蠟一兩半化開藥將和成錠子冷

水浸少時取出旋捏作餅子如錢眼大將瘡頭撥
破每用貼一餅子次用神聖膏藥封貼然後服托
裏散若瘡氣透裏危者服破棺散用神聖膏貼之
神聖膏藥 貼治一切惡瘡

當歸半兩 沒藥三錢 白芨二錢 乳香三錢

藁本半兩 琥珀二錢 黃丹四兩 木鱉子五箇

膽礬乙錢 粉霜乙錢 黃蠟二兩 白膠三兩

巴豆二十五箇 槐柳枝一百二十條 清油乙斤

右件一處先將槐柳枝下油內者焦取出次後下
其餘藥物煮得極焦亦撈出却將油澄清再熬成

膏子用緋絹上攤貼之

破棺丹

大黃乙兩 甘草二兩 荆三稜乙兩 山梔子

二兩 牽牛末二兩

右為細末煉蜜為丸如彈子大每服半丸食後酒
半盞研化服之忌冷水

三聖散 治臙瘡疔瘡搭手背疽等瘡

葱白一斤 馬莧一斤 石灰一斤

右三味濕搗為團陰乾為細末貼瘡如有死肉者
宜先用潰死肉藥

潰死肉藥方

炊飯尖

半兩各三等

一等半兩入巴豆二箇

一等半兩

入巴豆三箇

一等半兩入巴豆五箇

各

作白定子

右先用二巴豆納瘡如不潰再用納三巴豆又不潰用五巴豆者更用丹砂炒紅色摻瘡口追出清水其惡肉未盡至追出赤水是惡肉盡更用三聖散貼之用膏藥傳之

治臙瘡久不愈者

用川烏頭黃蘗各等分爲末用鹽津調塗紙上貼

之大有効矣

治一切惡瘡方

以天茄葉貼之或爲細末貼之亦妙

又方 用臘月人中白燒灰油調塗瘡疥上

又方 以瓦松不拘多少陰乾爲末先用槐枝葱白

湯洗之過摻之立効灸瘡久不斂者更妙

又方 以蒲公英搗之貼一切惡瘡諸刺

替鍼丸 治一切惡瘡

川烏 二錢

草烏 二錢

五靈脂 二錢

輕粉 一分

粉霜 一分

又方 加班猫二十箇去足翅用 巴豆二十箇去皮用

右將三件為末研令勻次入輕粉粉霜研勻又入班猫巴豆以水調糊為錠子如作散是謂針頭散

懸蔓散 治發背惡瘡

懸蔓一箇 大黃兩乙 金銀花兩乙 當歸半兩

皂角刺兩乙

右剉碎用酒一椀煎至七分去滓溫服如有頭者加黍粘子

治附骨癰及一切惡瘡

當歸兩半 甘草兩乙 山梔子十二箇 木鱉子乙箇

右為細末每服三五錢冷酒調服之

治諸惡瘡

白蠶直者 大黃二味各等分

右為細末生薑自然汁與蜜同和為劑丸如彈子大每服一丸細嚼

治惡瘡死肉錠子

巴豆乙錢去皮油 五靈脂半兩 黃丹二錢飛

加枯白礬乙錢

右為細末以糊和丸錠子入瘡內用之

當歸活血散 治瘡瘍未發出內痛不可忍及婦人

產前後腹痛

當歸二錢

沒藥乙錢

乳香半錢

白芍藥三錢

瘡瘍者加人參木香婦人加赤芍藥

右為細末每服一錢水一中盞煎至七分和滓溫服日二服婦人酒煎瘡既發不須用

蓄惡瘡方

紫花地丁一名米前袋收

右取根曬乾用四箇半頭壘成爐子燒着地丁用絡通壘一枚蓋了使令壘眼內煙出薰惡瘡出

黃本自愈

治蛇瘡

用蒲公英科根作泥貼于傷處用白膏藥封之

接骨散 并治惡瘡

金頭蜈蚣乙箇

金色自然銅

半兩燒紅醋碎研為細末用之

乳香

二錢為細末用之

銅錢

重半兩者取三文或五文燒紅醋研碎細

金絲水蛭

乙錢半每箇作三截尾上燂去氣道為度

沒藥

三錢一研細

右為細末如瘡腫處津調半錢塗立止痛如見得出膿先用粗藥末少許小油少半匙同打勻再入少半匙再打勻又入前藥接骨散半錢再用銀釵子打成膏子用雞翎掃在瘡腫處立止痛天明

一宿自破便効如打折骨頭并損傷可用前項接骨散半錢加馬兜苓末半錢同好酒一大盞熱調連滓溫服如骨折損立接定不疼如不折了喫了藥立便止住疼痛此方屢經効驗不可具述服藥覩可以食前服食後服又外用接骨藥

陳爛麻根

兩把羊耳
藥乙對

亂絲

一握多者更妙

右取肥松節劈碎約量多少先放三兩根於新瓦上都於上外三味在上燒着存性就研爲末如生再燒研爲度後入五靈脂或半兩如疼入好乳香少許和藥如茶褐色爲度用布條子約纏一遭先

攤小黃米粥勻上撒土藥末勻纏定折處上又用軟帛三五重上又竹篔子纏勒得緊慢得中初三日換上一次再後五日換一次又七日再換上一次無有不接者

赤龍散

消散一切腫毒

用野葡萄根紅者去粗皮爲末新水調塗腫上頻掃新水

便癰方

本名血疔

牡蠣

大黃

甘草

已上各半兩

懸藁

乙箇

右酒浸露一宿服之以利爲度

又方 冬葵子爲末酒調下三兩服

又方 皂角不蛀者燒過陰乾爲末酒調服立効皂
角子七箇水調服之亦効

又方 胡桃七箇燒過陰乾研爲末酒調服之不過
三服大効

又方 生蜜米粉調服休喫飯利小便爲度
治瘡無頭者

蛇退皮於腫處貼之
又方 皂角刺燒灰陰乾

右爲末每服三錢酒調嚼葵菜子三五箇煎藥送

下大効

生肌歛瘡藥

白歛 定粉 各等分 黃丹 少許

右同爲細末洗淨瘡口乾貼之

治諸瘡水度腫者

生白礬末水調塗之自消

接骨藥

銅錢 半兩醋浸淬 木香 乙錢 自然銅 乙錢
焦燒研爲末

射香 少許

右爲極細末如在上食後每服三匙頭嚼丁香一

枚乳香一粒無灰酒一小盞在下食前如不折其藥反出服罷其痛不可當勿疑待一日如骨未接再服如前老者十餘日少者不過五七日

萬聖神應丹出箭頭

苘蓉科

一名天仙子取着中一科根本枝葉花實全者佳

右於端午日前一日持不語尋見苘蓉科言道先生你却在這裏那道罷用柴灰自東南為頭圍了用木楔子擷取了根週迴土次日端午日未出時依前持不語用鑊口一鑊取出土用淨水洗了不令雞犬婦人見於淨室中以石臼搗為泥丸如彈

子大黃丹為衣以紙袋封了懸於高處陰乾如有入着箭不能出者用緋絹盛此藥訖放臍中用綿裹肚繫了先用象牙末於瘡口上貼之後用前藥如瘡口生合用刀子利開貼之

治凍瘡

臘月雀腦子燒灰研細小油調塗凍瘡口上

又方 以正黃蘗為細末用乳汁調塗瘡口上

又方 以山藥少許生於新瓦上磨為泥塗瘡口上治手足裂

白芨不以多少為末水調塗裂處

治面上瘡

用鐵子底黑煤於小油中以匙打成膏子攤在紙上貼瘡神効

治金瘡血不止

用白薇末貼之立止

善應膏藥

黃丹斤二

南乳香研另

沒藥研另

當歸

木鱉子生用

白斂生用

白礬生用

官桂三寸

杏仁生用

白芷已上各

新柳枝

各長一斤

右除黃丹乳沒等外八件用芝蔴油五斤浸一宿

用鐵鍋內煎令黃色藥不用次入黃丹鍋內柳條攪令黃色方可掇下用柳枝攪出大煙入乳沒勻令冷傾在磁盆內候藥硬用刀子切作塊油紙裹接骨丹

五靈脂乙兩

茴香乙錢

右二味為細末另研乳香為細末於極痛處搽上用小黃米粥塗了後用二味藥末搽於上再用帛子裹了用木片子纏了少壯人二日効老者五六日見効矣

治癰如聖丸

黃蘗 黃芩 黃連 防風 已上各半兩

白疆蚕 乙兩 全蝎 三分 輕粉 半錢

右為細末羊蹄根汁浸蒸餅為丸如梧桐子大每服二三十丸嚼羊蹄根汁送下隨病人上下分食前後又羊蹄汁塗癬

治小兒癬雜瘡

白膠香 黃蘗 輕粉

右為細末羊骨髓調塗癬上

治瘰癧方

斑猫 去頭翅足 赤小豆 白疆蚕 苦丁香

白丁香 磨刀泥

右各等分為細末十歲已上服一錢二十已上服二錢五更用新汲水一盞調下比至辰時見効女人小便見赤白色三兩次男子於大便中見赤色白色為効當日服白粘帶不得喫別物大忌油膩患三四者只一服七八年者再一服

玉餅子 治瘰癧一切惡瘡軟癬

右用白膠一兩磁器內鎔開去滓再於磁開後以草麻子六十四箇作泥入膠內攪勻入小油半匙頭柱點水中試硬軟添減膠油如得所量瘡大小

以緋帛攤膏藥貼之一膏藥可治三五癩

又方治瘰癧

小龍肚腸一條 鱉殼裙襴炮 川練子五箇

牡礪 大黃 牛蒡子燒存性 皂角子五十箇

右為細末蒸餅為丸如棗豆大每服十五丸食後

艾湯下日三服

又方將臘月猫糞用新瓦兩箇合在內外用鹽泥固

濟燒成灰以小油調塗瘡口上

又方取小左盤龍不以多少為末陳米飯搜和得所

充如梧桐子大每服三五丸却用陳米湯送下

治眉煉頭瘡

小麥不以多少燒冷黑色存性為末以小油調塗

瘡上

治小兒瘡瘡

羊糞熬湯洗去痂用屋懸燥炒羅為末以小油塗

瘡上

聖靈丹 治打撲胸損痛不可忍者

乳香三錢 烏梅五箇去核細切焙乾為末 白蒿苣子二兩

八錢炒黃 白米一捻另研細末

右再入乳鉢內研數百下煉蜜為丸如粟大細嚼

熱湯下病在上食後在下食前

出靨方

右用蕎麥楷一擔不爛者燒灰存性入石炭半斤同灰一齊過令火滅然後以熱水霖灰窩淋下灰水用鐵器內煮以獠起攪成膏子於靨上點自出或先以草莖刺破亦可

又方桑柴石灰淋汁熬成膏草莖刺破點以新水沃之忌油膩等物

燒湯火方

多年廟上物與走獸為末小油調塗燒湯火瘡効

又方生地黄汁入小油蠟同熬成膏磁器內盛用雞翎掃盪處

翎掃盪處

又方培上青苔燒灰小油調塗燒燙處

治燒燙方

生地黄旋取新者爛搗取自然汁入小油黃蠟少許銀石器中熬成膏子用雞翎掃瘡上

又方血餘灰用臘豬脂調塗

又方寒水石燒過為細末水調塗之

枯瘤方

砒 礪砂 黃丹 雄黃 粉霜 輕粉

已上各等一錢 斑蝥二十箇 生用 朱砂乙錢

乳香三錢 沒藥乙錢

同研為末粥糊為丸捏作碁子樣爆乾先炙破瘡頂三炷為則上以瘡藥餅蓋上用黃蘗末以水調貼之數日自然乾枯落下

又方以銅碌為末草刺破瘡摻在上以膏藥塗之

治頭面生瘤子用蛛絲勒痛子根三二日自然退落

乳香散 貼杖瘡腫痛

大黃 黃連 黃蘗 黃芩 已上各二錢

乳香另研已上各乙錢 沒藥另研已上各乙錢 腦子少許

右四味為末後入三味冷水調勻攤於緋絹上貼

杖瘡上

治疔瘡

馬明退燒灰三錢 輕粉少許 乳香少許

右研為細末先以溫漿水洗淨乾摻之

治疔瘡久不愈者

海浮石燒紅醋淬數次 金銀花

右海石二停金銀花一停同為細末每服二錢半如簽茶一椀日用二服瘡在上食後在下食前服如病一年服藥半年則愈

信... 卷之十五 十五

瀉肺湯 治肺癰喘急坐卧不安
桑白皮 剉燒 甜葶藶 隔紙焙各乙兩

右二味粗末每服三錢水一盞煎至六分去滓食後溫服以利為度

桔梗湯 治肺癰吐膿

桔梗 剉乙兩半 甘草 炙剉半兩

右為粗末每服六七錢水二盞煎至半盞去滓空心服須臾吐膿立愈

黃蘗散 治鵬窠微腰等瘡

黃蘗 白芨 白斂 已上各等分 黃丹 許

右為細末凉水調塗

口齒咽喉第二

地龍散 治牙痛

地龍 去土 玄胡索 葶撥 已上各等分

右為細末每用一字用綿子裹隨左右痛於耳內塞之大効

牙宣藥

葶撥 胡椒 良薑 乳香 另研 麝香 細辛 青鹽 雄黃 已上各等分

右為細末先以溫漿水刷淨後用藥末於痛處擦

雷州府志 卷之十五

追出頑涎休吐了嗽數十次痛止忌油膩一二日
仙人散 刷牙

地骨皮 二兩酒浸 青鹽 乙兩 黍粘子 乙兩半炒

細辛 乙兩酒浸

右為細末入射香少許每用一字臨卧擦牙茶酒
嗽良久吐出

又方 石膏 細辛 柳樵 己上各等分

右為末擦之

治牙疳

米二停 鹽一停 盆碱 射香 少許 白礬

右相合水伴勻紙包裹燒黑焦為末貼瘡上立愈
治牙痛

口噙水水一口用大黃末紙撚隨左右痛處鼻內
任之立止

又方

韶粉 二錢 好朱砂 七錢

右為末每用少許擦痛處

又方 好紅豆 二錢 花減 少許

右為末隨牙痛處左右鼻內噙之

又方 華細辛 去苗 白茯苓 去皮 川芎麻

葶撥 青鹽 明石膏 川芎 不蛀皂角皮去

弦酥灸 黃色 已上各等分

右為細末早晚刷牙溫水嗽之牙痛處更上少許

又方

以巴豆去皮用針刺於燿焰上灸令煙出薰牙痛

處薰三五上

又方 高良薑一塊 全蝎一隻

右為細末先用酸漿水嗽牙次用藥末擦之流下

涎水即愈

又方治牙疼 牙坑痛立止

又方 枯白礬研

治走馬咽痺

右用巴豆去皮以綿子微裹隨左右塞於鼻中立

透如左右俱有者用二枚

又方

用生白礬研細塗於綿針上按於喉中立破綿針

以榆條上用綿纏作棗大是也

又一法如左右喉痺於頂上分左右頭髮用手挽拔

之剥然有聲立効此法年幼時常見鄭六嫂救人

甚多不得其訣近與子正話及方得其傳

又一法以馬勃吹咽喉中立止
治喉痺

大黃 朴硝 白姜蚕

右件同為細末水煎量虛實用以利為度

口瘡方

白礬 乙兩飛 全半兩

黃丹 乙兩炒紅色放下 再炒紫色為度

右二味為細末摻瘡上立愈

目疾證第三

治倒睫拳毛

將川山甲以竹篦子刮去肉用羊腰窩脂去皮膜

仍將川山甲於炭上炙令黃色用脂擦去山甲上
如此數遍令酥為末隨左右眼喻水鼻內嚙一字
一月餘見効

又方

木鱉子 三箇 乾炒

木賊 乙百二 十節

地龍 二條 去土

赤龍瓜 乙百二十箇 則勾刺針也

右為細末摘去倒睫每日以紙撚蘸藥嚙之一日

三五次

又方

穿山甲 炮

地龍 去皮

蟬殼

五倍子 已上各等分

信口事類 卷之五 九
右為網末如用藥時先將拳毛摘盡後用藥一字
隨左右鼻內啗之次日目下如線樣微腫是驗也
貼赤眼

取青泥中蛆淘淨噉乾為末赤眼上乾貼之甚妙
貼赤瞎

蘆甘石兩

密陀僧兩

黃連

朴硝

右方先將黃連用水熬成汁入童子小便再同熬
又熬少時用火煨爐甘石紅黃連汁內淬
泥僧末同為末臨計貼之

銅碌

輕粉

牙硝

腦子

少許

麝香

右為細末乾貼之

截赤眼方

黃連

綠礬

杏子

甘草

銅碌

各等分

右為粗末水煎洗甚効

碧霞丹

治赤眼暴發并治赤瞎

銅碌

白土

苾硝

右件各分為末丸如皂子大每用白湯研化一丸
洗之立効

汾州郭助教家神聖眼藥

麝仁兩乙 金精石兩二 銀精石兩二 爐甘石兩四

燒赤石脂兩乙 滑石兩二 密陀僧兩二 高良

薑兩三 秦皮兩乙 黃丹兩乙 銅碌錢三 礶砂

錢二 礶砂乙錢半 乳香三錢 盆硝少 青鹽

腦子 射香 已上并少用之

右用東流水三升先入麝仁次下餘味等白沙蜜

一斤熬至二升以線絹細濾過澄清入前藥攪之

勻點大効

視星膏

白沙蜜一斤棟夫蜜洋可秤十四兩 蜜陀僧乙兩金色者研極細

水淘可得 新柳筭子四兩去皮心六比錢半乾半炒

右用臘雪水五升與密鑪調入藥與柳筭子同貯於磁瓶中以柳木塞瓶口油絹封勒於黑豆鍋中熬從朝至暮仍用柳捲閣瓶防傾側用文武火另添一鍋豆水滾下旋於另鍋中取水添之熬成用重綿濾淨却入瓶中用井水浸三兩日埋在雪中更妙頻點為上

復明膏 治外障

白丁香騰月收者尤佳水飛秤八錢 揀黃連兩乙 防風去

劉一指 新柳枝方一寸許一兩者三片

右好四味用新水一升半雪水更妙春秋兩三時
 冬月一宿以銀石器內熬至六分濾去滓另用蜜
 一斤蜜陀僧研極細末三字入蜜攪勻另熬以無
 漆匙擦點下蜜中急攪候沸湯定一人攪蜜一人
 旋又攪藥汁都下在內攪勻再熬三兩沸色稍變
 用新綿三兩重濾去滓盛器內點眼如常本方每
 藥半合用片腦一麥粒大不用亦可

錠子眼藥

黃丹二兩 飛 黃蘗半兩 去皮 黃連半兩 去鬚 枯白礬
 兩半 爐甘石半兩 用黃連製 銅碌兩 半 硃砂三錢

川烏三錢 炮 乾薑二錢 蝎稍乙錢 信半錢 火燻
 乳香少許 沒藥少許
 右為細末入豆粉四兩澆蜜和就如大麥許錠子
 於眼大眦頭待藥化淚出為効

治冷淚目昏

密蒙花 甘菊花 杜蒺藜 石決明 木賊
去節 白芍藥 甘草 各等分

右為細末茶清調下一錢服半月後加至二錢
 又方 乾薑肥者為末每用一字浸湯點洗
 又方 貝母一枚膩白者胡椒七粒為末點之

單治目昏

荊芥穗 地骨皮 楮實 已上各等分

右為細末煉蜜為丸桐子大每服二十九米湯下

治一切目昏

川椒乙斤微炒搗取 甘菊花四兩末之

生地黄乙斤取新者作泥極爛

右將地黄泥與前藥末同和作餅子透風處陰乾

再為末以蜜為丸如梧桐子大每服三十九食後

茶清送下

洗眼黃連散

當歸 赤芍藥 黃連 黃柏 各等分

右細剉以雪水或甜水濃煎汁熱洗能治一切風

毒赤目

諸物入眼中

好墨清水研傾入眼中良久即出

點攀睛瘀肉

黃丹乙兩二錢水飛過泣乾 白礬乙兩銀器內化成汁

右將白礬於銀器內化成汁入黃丹末在內以銀匙兒攪勻更入乳香沒藥各一錢慢火不住手攪令枯乾為粉候冷研極細熟絹羅過後入鷹條一

錢半血竭二分射香少許輕粉三分粉霜二分共
研極勻如粉再以熟絹羅過細末點之大有神効
青金散

芒硝兩乙 螺青 沒藥 乳香 已上各少許

右為細末每用少許鼻內喘之

治雀目

真正蛤粉炒黃色為細末

右油蠟就熱和為丸如皂子納於猪腰子中麻纏
蒸熟食之可配米粥

頭面風疾第四

治黥黯風刺方

苦參斤乙 紅芍藥 冬苳 二味各四兩

玄參兩乙

右為末每用一字用手洗面上

猪蹄膏洗面上黥藥

右用猪蹄一副刮去黑皮切作細片用慢火熬如
膏粘用羅子濾過再入鍋內用蜜半盞又用

白芷 黑豆皮去 瓜蒌配 白芨 白蘞

芩芩香 藿香 各一兩 鵝梨二箇細切

右將七味藥為末同梨入藥一處再熬滴水不散

方成以絹漚過臨卧塗面次日用漿水洗面
治面風

益母草灰麴湯和燒七遍洗面用之

治面黥黑班點方

白附子 白芨 白麩 蜜陀僧 胡粉

白茯苓 已上各等分

右為細末洗淨臨卧以乳汁調一錢塗面但洗光
淨牛乳亦可

治頭風

苦丁香 川芎 藜蘆 各等分

右為細末噙水鼻內噓之

芎黃湯 治頭目眩運

大黃 荆芥穗 貫芎 防風 已上各等分

右為粗末大作劑料水煎去滓服之以利為度

耳聾方 葶麻子五十箇去皮

右與熟棗一枚同搗丸如棗子大更入小兒乳汁

就和每用一丸綿裹納於聾耳內覺熱為度一日

一易如藥難丸日中曝乾

又方口噤甘草一枚耳中塞二塊用綿裹立通

腦宣方

皂角不蛀者去皮弦子蜜炙搥碎水中揉成濃汁
熬成膏子鼻內嚙之口中咬筋良久涎出為度

治耳底方

以枯白礬為末填於耳中立効

治鼻中肉螻蛄

赤龍爪

苦丁香

已上各三十箇

苦葫蘆子

不以多少

射香

少許

右為末用紙撚子點藥末用之

臍臭方

烏魚骨

三錢

枯白礬

三錢

蜜陀僧

乙錢

右為末先用漿水洗臍處後用藥末擦之

又方蜜陀僧不以多少研細先以漿水洗臍處乾擦

烏頭藥

細針沙

炒

蕎麵

炒

已上各一盞

大麥

亦同

釀醋半升與前二味打糊

凡用先使皂角水熱洗淨時前二味糊稀稠得所
於髭鬚上塗之均勻先用荷葉包次用皮帽裹之
三五時辰用溫漿水洗了却收取元針沙其髭髮
淨後用黑藥塗之黑藥方

沒食子

石榴皮

乾荷葉

另搗

已上各一兩

五倍子 柯子皮 百藥煎 金絲礬

碌礬 另研旋 點諸藥

右將七味為細末炒熟麴五六匙入好醋打麵糊和藥末再塗髭鬚又用荷葉封裹後用皮帽裹之三五時間洗淨甚黑若更要黑光用猪膽漿水澤洗如鴉翎

又方 酸石榴 五倍子 芝蔴葉

右同杵碎用絹袋盛之於鉄器內水浸掠髮自黑治大頭病兼治喉痺方歌曰

人間治疫有仙方 一兩疆蚕二大黃

薑汁為丸如彈大 井花調蜜便清涼

又法 以砭針刺腫處出血立効

治時氣

馬牙硝 寒水石 黍粘子 鬼臼 川大黃

鬼箭草 已上各等分 腦子 少許

右六味為細末用新井花水一盞藥末一二錢入腦子喫外一半留用新水得稠雞翎掃在腫處有風涼處坐

解利傷寒第五

雙解丸

信門事考

巴豆六箇去皮油

天麻

二錢半

胭脂

少許

右將巴豆天麻為末滴水丸如秫米大胭脂為衣一日一九二日二丸三日三丸已外不解先喫冷水一口後用熱水下如人行十里以熱湯投之又一法無藥處可用兩手指相交緊扣腦後風府穴向前禮百餘拜汗出自解

又一法適於無藥處初覺傷寒傷食傷酒傷風便服太和湯百沸湯是避風處先飲半椀或以藿汁亦妙以手揉肚覺恍惚更服半椀又用手揉至恍惚更服以至厭飲心無所容探吐汗出則已

不卧散

川芎

乙兩半

石膏

七錢半

藜蘆

半兩去土

甘草

二錢半生

右為細末口噙水鼻內各噴之少時喫白湯半椀汗出解之

川芎湯

解利一切傷寒

川芎

藁本

蒼朮

右三件為細末沸湯點三錢須臾覺嘔道便解如不解再服之

諸腰脚疼痛第六

皂角膏

右用醇酒二大椀皂角一斤去皮弦搗碎熬至
半沸去滓再用前汁入銀石器熬為膏子隨痛處
貼之

治腰脚疼痛方

天麻 細辛 半夏 已上各二兩

右用絹袋二箇各盛藥三兩者煮熟交牙慰痛處汗
出則愈

牛黄白朮丸 治腰脚濕

黑牽牛 大黃 各二兩 白朮 乙兩

右為細末滴水丸桐子大每服三十九丸食前生薑
湯下如要快利加至百丸

婦人病證第七

如聖丹 治婦人赤白帶下月經不來

枯白礬 蛇床子 已上各等分

右為末醋打麵糊丸如彈子大以胭脂為衣綿子
裹納於陰戶如熱極再換

洗洗丸 療婦人無子

當歸 熟地黃 已上各二兩 玄胡索

澤蘭 已上各一兩半 川芎 赤芍藥

白薇 人參 石斛 牡丹皮 已上各一兩

右為末醋糊為丸每服五十九丸桐子大空心酒下

當歸散 治月經欲來前後腹中痛

當歸以米醋微炒 玄胡索生用 沒藥另研 紅花生用

右為末温酒調下二錢服之

治產婦橫生 草麻子三十箇

研爛婦人頂上剃去髮少許以上藥塗之須臾覺

腹中提正便刮去藥却於脚心塗之自然順生也

治血崩 蚕沙不以多少

右為末每服三五錢熱酒調下服

又方 管仲去須剉碎

或用酒醋煎三錢煎至七分去滓温服一服立止

當歸散 治血崩

當歸乙兩 龍骨乙兩 燒赤 香附子三錢 炒

櫻毛灰半兩

右為細末空心米飲調下三四錢忌油膩雞猪魚

兔等物

蓮殼散

乾蓮蓬燒灰 存性 櫻櫚皮及毛各燒灰 已上各半兩

香附子炒 一錢

一右爲細末每服三四錢空心米飲湯調下服之
治婦人血枯 川大黃

右爲末醋熬成膏就成雞子大作餅子酒磨化之
三分散 治產後虛勞不進飲食或大崩後

白朮 茯苓 黃耆 川芎 芍藥 當歸
熟乾地黄 已上各一兩 柴胡 人參

已上各一兩六錢 黃芩 半夏洗切 甘草炙
已上各六錢

右爲粗末每服一兩水一大盞煎至半盞去滓
服日二服

治產後惡物上潮痞結大小便不通

芒硝 蒲黃 細墨 各等分

右爲末用童子小便半盞水半盞調下服之

治婦人產後虛弱和血通經

當歸乙兩 芍藥二兩 香附子三兩炒

右爲細末每服一二錢米飲調下服之無時

治婦人產後惡物不出上攻心痛

赤伏龍肝 竈底焦土研細

用酒調三五錢瀉出惡物立止

治娘婦下痢膿血及咳嗽

白朮

黃芩

當歸

各等分

右為末每服三五錢水煎去滓食前加桑皮止嗽

百花散 治婦人產中欬嗽

黃蘗

桑白皮

用蜜塗慢火炙黃名曰為度

二味各等分

右為細末每服一二錢水一盞入糯米二十粒同

煎至六分以欬冬花燒灰六錢攪在藥內同調溫

服之

治婦人吹妳

以樺皮燒灰存性熱酒調下三錢食後服之

又方

馬明退

燒灰五錢

輕粉三錢

射香

少許

右為細末每服二錢熱酒調下服之

又方 以皂角燒灰蛤粉和熱酒將來調數字下得

喉嚨笑呵呵

又方 以淘米木杓上砂子七箇酒下以吹簾枝透

乳孔甚妙

欬嗽痰涎第八

九仙散

九尖葶麻子葉

三錢

飛過白礬

二錢

右用猪肉四兩薄批碁盤利開摻藥二味荷葉裏文武火煨熟細嚼白湯送下後用乾食壓之

止嗽散

半夏 乙兩半湯洗七次

桔白礬 四兩

右二味為末生薑打麵糊和丸桐子大每服三三
十丸空心溫酒送下

八仙散

款冬花 佛耳草 甘草 鐘乳 鵝管石

白礬 官桂 井泉石 已上各等分

右為細末每服三錢水煎服之 又一方摻喉中

三才丸 治嗽

人參 天門冬 去心 熟乾地黃 已上各等分

右為細末煉蜜為丸如櫻桃大含化服之

三分茶

茶二錢 蜜二兩 蕎麥麵 四兩

右以新水一大椀約打千餘數連飲之飲畢良久
下氣不可停人喘自止

石膏湯 治熱嗽

石膏 亂文者一兩 人參 半兩去蘆 甘草 半兩炙

右為末每服三錢新水或生薑汁蜜調下亦可

三生丸 治嗽

胡桃仁 乙兩 生薑 乙兩去皮細切 杏仁 乙兩

右二味同研為泥就和作劑可得十三四丸臨卧
爛嚼一丸可數服即止

化痰延壽丹

天麻 半兩

枸杞子 二兩

白礬 乙兩半半生

半夏 乙兩半湯洗七次用

乾生薑 乙兩

人參 乙兩

右為細末好糯酒拌勻如砂糖用蒸餅劑蒸熟去

皮杵臼搗四五十杵便丸如乾入酒三點丸如小

豆大每服三五丸生薑湯下

半夏湯 治噦欲死者

半夏 乙兩洗

生薑 一兩

右二味細切水二盞煎至八分去滓作二服食後

治肺痿喘嗽 漢防已

右為細末每服三錢漿水一盞同煎至七分和滓

溫服之

治年高上氣喘促睡卧難禁

右蘿蔔子搗羅為末白湯浸調五七錢食後服之

或炒或用糖蜜作劑為丸服之

麻黃湯 治因風寒衣服單薄致嗽

麻黃 不去節

甘草 生用

杏仁 生用

右為粗末每服三二錢水煎食後溫服

心氣疼痛第九

失笑散 治急心痛并男子小腸氣

五靈脂 半兩 蒲黃 半兩炒

右為末每服三錢醋半盞煎二沸再入水半盞再煎二沸空心食前和滓溫服之

又方 醋 生白礬一小塊如皂子大同煎至七分溫服立愈

又方 高良薑 半兩 山梔子 半兩 蔚金 半兩

又方 以新嫩槐枝一握切去兩頭水二盞煎至去滓分作二服熱服之

又方 沒藥 乳香 薑黃 玄胡索 已上各等分

右為末每服三錢水煎食後服之

小腸疝氣第十

抽刀散

川練子 乙兩破四分巴豆三箇同炒黃色去巴豆用之

茴香 乙兩鹽炒黃色去鹽用之

右為細末每服三錢葱白酒調下空心服之

治陰痛不可忍

吳茱萸 二兩洗七遍焙乾微炒 檳榔 乙兩 茴香 乙兩

右為細末醋糊為丸熱酒送下十九食前服之

治偏腫

茴香

甘遂

右二味各等分爲末酒調二錢食前服之

又方

巴戟

去心

川練

炒

茴香

炒

各等分爲末溫酒調二錢服之

治小兒疳氣腫硬

地龍

不去土 爲末唾津調塗病處

治小腸氣痛

全蝎

茴香

乙兩炒黃

右爲細末醋糊和丸如梧桐子大如發時每服五
七丸溫酒送下食前服之

治小便渾濁如精之狀

沒藥

木香

當歸

已上各等分

右爲末以刺棘心自然汁爲丸如梧桐子大每服
五七丸食前鹽湯下

治小便頻滑數不禁

知母

黃蘗

已上各等分

右判碎酒浸透炒微黃爲末水丸梧桐子大如服
藥前一日休喫夜飯來日空心立服米飲湯下一
百丸只用一服効後喫淡白粥一頓

蕩疝丹

川練子

炒

茴香

炒

破故紙

炒已上各半兩

黑牽牛

二錢

青皮

陳皮

已上各三錢

廣茂

四錢

木香

四錢

右八味為細末用好酒打麵糊為丸如梧桐子大空心食前溫酒下三十丸

灸疝法 放疝邊豎紋左右交弦灸七壯

腸風下血第十一

神應散 治腸風痔漏

牛頭角腮

七隻附

猪牙皂角

七

穿山甲

四

九片或圓取或四方取或一字取之

蝟皮

乙兩

蛇退皮

乙條

右五味銚碎盛在小口磁器內鹽泥固定日中曝

乾瓶口微露出烟用文武火燒紅赤烟微少取出

放冷為細末如服藥日先一日臨計細嚼胡桃仁

半箇如糊用溫醇糯酒一盞送下不語便睡至次

日交五更服藥驗病年月遠近或秤三錢五七錢

用水一大碗醇糯酒半大盞相合熱和藥服之至

展時再服

又一服再依前服藥不須用胡桃仁久病不過七服

忌油膩魚蟹雞兔猪犬等物大有神効

溫白丸 治臟毒下血

椿根白皮

凡引者去粗皮酒浸晒乾服

右為末棗肉為丸如梧桐子大每服三五十九淡酒送或酒糊丸

治脫肛痔瘻

胡荽子升

乳香許少

粟糠半升或一升

右先泥成爐干止留一小眼可抵肛門大小不令透煙火薰之

治脫肛

蔓陀羅花子

蓮殼一對

椽梔十六箇

右搗碎水煎三五沸入朴硝熱洗其肛自上

治痔漏下血不止

紫皮蒜

十箇獨科者妙

大椒六十箇

豆豉四兩

右搗爛為泥充彈子大空心細嚼一丸鹽湯下日進三服効

治痔漏

白牽牛頭末

四兩

沒藥一錢

右同為細末如欲服藥先一日不食晚飯明日空心將獾猪精肉四兩燒令香熟薄批摻藥末在內暴之漸又細嚼食盡然後用宿蒸餅壓之取下膿血為効量病大小虛實加減服之忌油膩濕麵酒

色三日外不忌一服必効或用淡水煮肉熟用上
法亦可又云服前一日不食午飯并夜飯明日空
心用之

又方 黑白牽牛一合炒黃爲末猪肉四兩切碎炒
熟與藥末攪勻只作一服用新白米飯三二匙壓
之取下白虫爲効

又坐藥黑鱧魚鱗二三甲以薄綿罽裹如棗柱樣納
之痛卽止

平固丸 治痔漏下血痒痛

槐花炒

枳殼去穢

以上各一兩

右爲細末醋糊爲丸如梧桐子大每服二十九米
飲湯下空心食前十服見効

黃連貫衆散 治腸風下血

黃連

雞冠花

貫衆

大黃

烏梅

已上各

甘草三錢

枳殼炮

荆芥

已上各乙兩

右爲細末每服二三錢溫米飲調服食前

槐荆丸 治痔漏

荆芥槐花等分爲末水煎一大椀服丸亦可爲之
又方 豆豉炒 槐子炒 各等分

右爲末每服一兩水煎空心下

薰漂藥

鳳眼草

赤皮葱

椒

三味搗粗同漿水滾過坐盆令熱氣薰痔但通手
漂之如此不過三次愈矣

小兒病證第十二

治小兒脾疳

蘆薈

史君子

以上各等分

右為細末米飲調下一錢服之

土筋散 治小兒馬脚風

甘草 一寸煎水

甘遂末 一字

右同油蜜生薑銀釵兒攪調下後用冷水半盞調
一奪命散

奪命散

治小兒胸膈喘滿

檳榔

大黃

黑牽牛

白牽牛

各等分皆

當各半生熟用之

右為細末蜜水調服之

治小兒斑瘡入眼

麩炒蒺藜炙甘草

羌活防風等分搗

每服二錢漿水下撥雲見日直到老

治瘡疹黑陷

鐵腳威靈仙

一錢炒末

腦子 一分

右為末用溫水調下服之取下瘡痂為効

治小兒黃瘦腹脹

乾雞糞 一兩

丁香末 一錢

右為末蒸餅為丸如小豆大每服二十九米湯下

黃連散 治小兒頭瘡

川黃連

黃蘗去粗皮用

草決明

輕粉已上各等分

右為細末用生小油調藥於瘡上塗之立愈

治班瘡倒壓方

胡桃一箇燒灰存性

乾腦脂 三錢

右為末用胡荽煎酒調下一錢服之

又方 人牙燒灰存性研入射香少許每服三錢温

酒調下少許服之不拘時

又方 小豬兜尾尖取血三五點研入腦子少許新

水調下食後與服之

又方 人中白臘月者最佳通風處以火煨成煤木

調三五錢陷者自出

消毒散 治瘡疹已未出咽喉腫痛

牛蒡子二兩炒

甘草半兩剉炒

荆芥乙分

右為粗末每服三錢水一盞半煎至七分去滓温

服不拘時

治小兒疳瘡入眼

猪懸蹄甲

二兩甘鍋內鹽泥固齊燒焦為末用

蟬殼

二兩去土取末乙兩

羚羊角

鑄為細末
研之用

右二味為末研入羚羊角細末一分拌勻每用一字百日外兒服半錢三歲已上服三錢新水或溫水調下日三四服夜一二服一年已外則難治之

又方 透耳藥

朱砂 乙錢

粉霜 八分

右研為細末水調少許用匙杓頭傾一兩點於耳內中後用

白菊花

葦豆皮

穀精草

夜明沙

右四味為末用米泔半碗熬成去滓入乾柿干餘

箇再同熬每日喫三兩箇仍欲煮乾柿湯

又方 治小兒斑瘡入眼

朱砂

腦子

水銀

射香

已上各等分

右四味研為細末用水銀調滴入耳中

發斑藥

珠子七箇研碎用新水調勻服之

破傷風邪第十三

陰毒傷寒亦附於此

辰砂奪命丹

鳳凰臺

川烏頭

生已上
各二錢

射香

少許

朱砂

少許

右為細末棗肉和為丸如彈子大朱砂為衣鯁酒送下量病人年甲虛實加減用之小兒半丸以吐

爲度不止以葱白湯解之

治破傷風

病人耳塞并爪甲上刮末唾津調塗瘡口上立効
無瘡口者難用

治破傷風

烏稍尾 乙箇 兩頭尖 四箇 全蝎 四箇

右三味爲細末另用石灰五升柴灰五升沸湯五
升淋灰水澄清下藥熬之鉄鑄器內攪成膏子如
稠用唾津調先用温漿水洗淨瘡口後塗藥卽時
藥行吐黃水一日以新水漱口卽愈

又方 天南星 半生半熟 防風 去蘆二味各等分

右爲末清油調塗瘡上追去黃水爲驗

又方 白芷 生用 草烏頭尖 生用去皮二味等分

右爲末每用半錢冷酒一盞入葱白少許同煎服
之如人行十里以葱白熱粥投之汗出立愈甚者
不過二服

又方蜈蚣散

蜈蚣頭 烏頭尖 附子底 蝎稍 四味各等分

右爲細末每用一字或半字熱酒調下如禁了牙
關用此藥幹開灌之

治陰毒傷寒破傷風

草烏頭

七箇文武火燒熟去牙頭

麝香 半錢

朱砂 乙錢

右為細末每服一字以熱酒調下食前服之汗出為度忌猪兔魚鱉粘穀肉

治陰毒病者

用芥末以新水調膏藥貼臍上汗出為効

又方牡蠣乾薑末新水調塗手心握外腎汗出為効

諸風疾證第十四

不老丹 治一切諸風常服烏髭注顏明目延年

蒼朮四斤

米泔水浸軟竹刀子刮去皮切作片子肉乙斤用椒三兩去白炒黃去粉

乙斤鹽三兩炒黃去鹽乙斤好醋一升煮泣盡乙斤好酒乙升煮令泣盡

何首烏二斤

米泔水浸軟竹刀子刮去皮切作片子用瓦甑蒸先鋪黑豆三升乾棗二升上放何首烏上更鋪棗二升黑豆三升用炊單復著上用盆合定候豆棗香熟取出不用棗

用棗

地骨皮

去粗皮重二斤

右件於石臼內搗為細末後有椹汁搜和如軟麵劑相似磁盆內按平上更用椹汁藥上高三指用紗綿帛覆獲之晝取太陽夜取太陰使乾再搗羅為細末煉蜜和丸如梧桐子大空心溫酒下六十丸忌五辛之物

四仙丹

春甲乙採杞葉

夏丙丁採花

秋庚辛採子

冬壬癸採根皮

右為末以桑椹汁為丸每服五十丸茶清酒任下起死神應丹 治癱瘓四肢不舉風痺等疾

麻黃

去根節河水五升煎去滓可成膏子五斤

白芷

桑白皮

二兩

蒼朮

二兩去皮

甘松

二兩去土

川芎

三兩

苦參

三兩

加浮萍

二兩

已上各為細末用膏子和丸如彈子大每服一丸溫酒一盞化下臨卧服之微汗出勿慮如未安隔三二日再服手足即時軟快及治卒中風邪涎

不利小兒驚風服之立効

愈風丹

芍藥

川芎

白疆蚕

炒

桔梗

細辛

去葉

羌活

已上各半兩

麻黃

去節

防風

去蘆

白芷

天麻

全蝎

炙已上各乙兩

甘草

三錢

南星

半兩生薑製用

朱砂

半兩為衣

為末煉蜜丸如彈子大每服一丸細嚼茶酒吞下

香芎散 治偏正頭風

貫芎

香附子

炒

石膏

亂紋者良水飛

白芷

甘草

薄荷

已上各乙兩

一方川烏頭

半兩炮去臍皮用之

右為細末每服二錢溫酒或茶清調下服之
妙功十一丸 治癩

丁香 木香 沉香 乳香 射香 荆三稜

炮 廣茂 炮 黑牽牛 微炒 黃連 雷丸 炒

鶴虱 炒 胡黃連 黃芩 大黃 焙 陳皮

青皮 雄黃 熊膽 甘草 炙各二錢半 赤小豆

三兩六錢 白丁香 直尖者三錢半 輕粉 四錢 巴豆 七粒

右二十三味為細末赤小豆爛煮研泥同蕎麵打
糊和作十一丸朱砂為衣陰乾服時水浸一宿化
一丸大便出隨病各有形狀取出為驗或作化一

番不可再服曾經火灸者不治遠年愈効

朱砂滾涎散 治五癩

朱砂 飛水 白礬 生用 赤石脂 消石 已上各等

右同為細末研蒜膏如丸菘豆大每服三十九食

後荆芥湯下

又方 末砂不以多少水飛研為細末

右用猪心血浸蒸餅為丸如菘豆大每服二十九

空心金銀湯下之

治諸風疥癬及癩

浮萍 九兩 荆芥 川芎 甘草 麻黃 已上各半

或加芍藥 當歸

右為粗末每服一兩水一椀入葱白根豆豉同煎至一半無時服汗出為度

治癩塗眉法

半夏 生用

羊糞 燒

已上各等分

右為末生薑自然汁調塗

五九散 治癩

地龍 去土

蟬殼

白僵蚕

凌霄

全蝎

已上各等九箇

右同為末只作一服熱酒調下浴室中汗出粘臭

氣為効

苦參散 治癩風

苦參

取頭末 秤二兩

猪肚

乙箇

右以苦參末摻猪肚內用線縫合隔宿煮軟取出洗去元藥先不喫飯五頓至第二日先飲新水一盞後將猪肚食之如吐了再食之食罷待一二時用肉湯調無憂散五七錢取出小虫一二萬為効後用皂角一斤不蛀者去皮弦及子搥碎用水四椀煮至一椀用生絹濾去滓再入苦參末攪熟稀麵糊膏子相似取出放冷後入餘藥相和藥附後

何首烏 二兩

防風 乙兩

芍藥 五錢

人參 三錢

當歸 乙兩焙

右為細末入皂角膏子為丸如桐子大每服三五
十丸溫酒或茶清送下不拘時候日進三服後用
苦參荆芥麻黃煎湯洗冷

水腫黃疸第十五

治通身黃腫

苡蒂焙乾三四錢

右為細末每用半字於鼻內吹上日一度併吹三
日如不愈後用黃芩末之煎湯五錢下

治蠱氣

取環腸草不以多少曝乾水煎利小便為度

治黃疸面目遍身如金色

瓜蒂 乙十箇

母丁香 乙箇

黍米 四十九粒

右先搗瓜蒂為末次入二味同為細末每用半字
夜卧令病人先嚙水一口兩鼻內各半字吐了水
令病人便睡至夜或明日取下黃水旋用熟帛搵
了直候取水定便服黃連散病輕者五日重半月

黃連散 治黃疸大小便秘澁壅熱

黃連 三兩

川大黃 乙兩剉碎醋

拌炒過用之

黃芩

甘草

各一兩

右為細末每服二錢食後溫水調下一日三服

治水腫不利小便非其法也故內經云濕氣在上以苦吐之濕氣在下以苦瀉之吐瀉後長服益元散加海金沙煎以長流水服之則愈矣大忌腳膝上針刺出水取一時之効後必死矣充忌房室濕麵酒醋鹽味犯之必死

木通散 治水腫

海金沙 舶上茴香 巴戟 大戟 甘遂
芫花 木通 滑石 通草 已上各等分

右為細末每服二錢以大麥麵和作餅子如當二錢大爛嚼生薑湯送下

下痢泄瀉第十六

治痢

紫苑 桔梗 赤芍藥 白朮 已上各等分
右為細末每服三五錢細切羊肝拌之作麵角兒燒服之後用白湯送下食前

治痢

杜蒺藜炒碾為末酒調下三兩服

香薷丸 治痢

蒜爲泥

豉爲末

右二味相和作丸如梧桐子大米飲湯下五七十丸食前服之

治大人小兒吐瀉腹脹胸膈痞閉

五靈脂

青皮

陳皮

硫黃

芒硝

已上各等分

右將硝黃於銚子內以文武火鎔開用匙刮聚自然結成砂子取出研碎與前三藥同末麵糊爲丸如菽豆大小兒麻子黃米大每服二十九丸量虛實加減米飲湯送下無時

又方治瀉

車前子不以多少右爲細末每服二錢

米飲湯調下服之水穀分吐瀉止

諸雜方集第十七

治消渴

揀黃連

二兩八九節者良

右剉如破阻以水一椀煎至半椀去滓頓服立止

百日還丹

佛手

樟柳根

已上各等分

爲末枸杞汁和丸如雞頭大每服十丸新水送下酒癥丸

巴豆

十六箇

全蝎

十五箇

雄黃

塊乙

白麵

五兩

右爲末滴水丸如椀豆大每一丸如痛飲者二丸

立應丸 治臟腑泄痢膿血不止腹中疼痛

乾薑 乙兩炮 另末 百草霜 乙兩 巴豆 連皮乙兩 炒用

杏仁 乙兩同巴豆和皮炒黑 色杵為泥後入霜研用

右用黃臘四兩鎔開臘次入前四味用鉄器攪勻
旋丸桐子大每服三五丸甘草湯下白痢用乾姜
湯下食前若水瀉溫水下

反胃 黃蘗末熱酒調二五錢食後服之

治小便多 滑數不禁

金剛骨為末以好酒調下三錢服之

又方 白茯苓 去黑皮 乾山藥 去皮白礬水內過慢火焙乾用之

右二味各等分為細末稀米飲調下服之

治卒淋痛

芫花散 三錢 茴香 二錢微炒黃

右為細末水煎服之

治疝方

以水調白麵稀稠得所糊疝上以紙封之明日便
乾如不曾破者剥去麵便行

治大便秘

生麻子不以多少研爛水調服之
坐劑治大便秘攻之不透者用之

又用蜜不計多少慢火熬令作劑稀則粘手硬則脆稀稠得所堪作劑搗作劑樣如棗核大粗如筋長一寸許蘸小油內于肛門中坐良久自透有加鹽少許以素問鹹以軟之

交加飲子 治久瘡不已山嵐瘴氣

肉苳蔻

十一箇麵裹燒一箇

草苳蔻

二箇同上法用

厚朴

一半生用一半熟用生薑汁製過用

甘草

二寸半一半生用一半炙用

生薑

一塊如棗紙裹煨過半生半熟

右為末每服分一半水一碗銀石器內煎至一大盞去滓溫服發日空心未愈則再服

天真丸 補虛損

佛袈裟男用女女用男以新水四擔洗盡血水以酒煮爛為泥

葳靈仙

兩

當歸

兩半

確砂

兩

蓮子肉

三兩炒熟

乾地黄

配兩酒浸

廣茂

兩半

甘草

兩

牡丹皮

兩

牛膝

酒浸

木香

兩半

白木

兩

白茯苓

兩

石為細末與君主同搗羅為細末酒浸蒸餅為丸如梧桐子大每服三五丸三進日服

取雕青

水蛭取陰乾為末光以白馬汗擦青處後用白馬

汗調藥塗之

治蚰蜒入耳中

右用猫尿灌耳中立出取猫尿用盆盛猫以生薑擦牙大妙

又方 黑驢乳灌耳中亦出

又方 以湿生虫研爛塗於耳邊自出

辟穀絕食第十八

辟穀方

大豆五升

洗淨蒸三遍去皮為細末

大麻子五升

淘淨同白茯苓一處蒸熟爛之

糯米五升

淘淨同白茯苓一處蒸熟爛之

白茯苓五兩

去皮同上糯米一處蒸熟為用

右將麻仁末一處搗爛如泥漸入豆黃末同和勻便團如拳大再入甑蒸從初更着火至半後夜佳火至寅時出甑午時曝乾搗為末服之以飽為度不得喫一切物用麻子汁下第頓一月不饑第二頓四十日不饑第三頓一千日不饑第四頓永不饑顏保日增氣力加倍如渴飲麻仁汁轉更不渴滋潤五臟若待喫食時分用葵菜子三合為末煎湯放冷服之取其藥如後初間喫三五日白米稀粥湯少少喫之三日後諸般食飲無避忌此藥大

忌欲事

又方 茯苓餅子

白茯苓四兩為末 頭白麵一二兩

右同調水煎餅麵稀調以黃臘代油燂成煎餅臘
可用三兩飽食一頓便絕食至三日覺難受三日
後氣力漸生熟菓芝蔴湯米飲凉水微用此小潤
腸胃無令酒竭開食時用葵菜湯并米飲稀粥少
少服之

又方 保命丹

人參二兩 麻子仁二兩炒 乾地黄 瓜蒌子
去皮 去皮

鬼絲子酒浸已止 生地黄 乾大棗三

兩下 大豆黃一升煮 黑附子乙兩生用乙兩

白茯苓 茯神 地骨皮去粗 蔓精子煮熟

杏仁去皮 麥門冬炒去 地膚子蒸七遍

黍米作粉 粳米作粉 白糯米作粉 天門

冬去 車前子蒸 側柏葉煮三遍已上各二

右同為細末各揀選精粹者臈月內合者妙他時
不可合日引交蝕不可合如今時須揀好日淨室
焚香志心修合勿令雞犬婦人見又將藥末用臈
一斤半瀝去滓白蜜一斤共二斤半一處溶開

勻入臼杵二千下微入酥油正如梧桐子大每
十九服至五日如來日服藥隔宿先喫糯米一頓
粳米白麵皆可次日空心用糯米粥飲送下如路
行人服遇如好食喫不妨要止便止如喫些小蒸
餅爛嚼嚥或乾果子以助藥力不喫更妙忌鹽醋
日後退下藥來於長流水中洗淨再服可百年不
饑矣

事親卷之十五

